

უცხო ქვეყნის სამეწარმეო ან არასამეწარმეო იურიდიული პირის ფილიალის წარმოშობის რეგისტრაცია

მეწარმეთა და არასამეწარმეო (არაკომერციული) იურიდიული პირების რეესტრი

მეწარმეთა და არასამეწარმეო (არაკომერციული) იურიდიული პირების რეესტრი არის მეწარმეთა და არასამეწარმეო (არაკომერციული) იურიდიულ პირთა, ასევე უცხო ქვეყნის საწარმოს და არსამეწარმეო (არაკომერციული) იურიდიული პირის ფილიალის რეგისტრაციის შესახებ მონაცემთა ერთობლიობა.

რას ნიშნავს რეგისტრაცია?

რეგისტრაცია არის სუბიექტის წარმოშობის, რეგისტრირებული მონაცემების ცვლილების და რეგისტრაციის შეწყვეტის შესახებ ინფორმაციის აღრიცხვა მეწარმეთა და არასამეწარმეო (არაკომერციული) იურიდიულ პირთა რეესტრში, შესაბამისი გადაწყვეტილების მიღებით.

რას გულისხმობს სამეწარმეო საქმიანობა?

სამეწარმეო საქმიანობა არის სუბიექტის მართლზომიერი და არაერთჯერადი საქმიანობა, რომელიც ხორციელდება მოგების მიღების მიზნით, დამოუკიდებლად და ორგანიზებულად.

რას გულისხმობს არასამეწარმეო (არაკომერციული) საქმიანობა?

არასამეწარმეო (არაკომერციული) საქმიანობა არის სუბიექტის მართლზომიერი და არაერთჯერადი საქმიანობა, რომელიც ხორციელდება დამოუკიდებლად და ორგანიზებულად, მოგების მიღების მიზნის გარეშე.

მეწარმე და არასამეწარმეო (არაკომერციული) იურიდიული პირი

იურიდიული პირი არის განსაზღვრული მიზნის მისაღწევად შექმნილი, საკუთარი ქონების მქონე, ორგანიზებული წარმონაქმნი, რომელიც მოქმედებს საკუთარი სახელით და ვალდებულებებითვის დამოუკიდებლად აგებს პასუხს თავისი ქონებით.

იურიდიული პირი, რომლის მიზანია სამეწარმეო (კომერციული) ან არასამეწარმეო (არაკომერციული) საქმიანობა, სავალდებულოდ უნდა დარეგისტრირდეს რესტრში. მეწარმე და არასამეწარმეო (არაკომერციული) იურიდიული პირი წარმოშობილად ითვლება რეესტრში რეგისტრაციის მომენტიდან.

უცხო ქვეყნის საწარმოსა და არასამეწარმეო იურიდიული პირის ფილიალი

იურიდიულ პირს შეუძლია დააარსოს ფილიალი, რომელიც არ არის იურიდიული პირი. საქართველოში რეგისტრირებული საწარმოს ფილიალი რეესტრში რეგისტრაციას არ ექვემდებარება.

ვინ შეიძლება იყოს განმცხადებელი აღნიშნულ სერვისზე და ვის უნდა მიმართოს მან სერვისის მისაღებად?

განმცხადებელი სერვისზე შეიძლება იყოს უშუალოდ დაინტერესებული პირი (უცხო ქვეყნის საწარმოს ან არასამეწარმეო იურიდიული პირის ხელმძღვანელობასა ან წარმომადგენლობაზე

უფლებამოსილი პირი, დასარეგისტრირებელი ფილიალის ხელმძღვანელობასა ან წარმომადგენლობაზე უფლებამოსილი პირი) ან დაინტერესებული პირის წარმომადგენელი.

ვის მივმართო უცხო ქვეყნის მეწარმე ან არასამეწარმეო იურიდიული პირის ფილიალის რეგისტრაციის მოთხოვნით?

უცხო ქვეყნის მეწარმე და არასამეწარმეო (არაკომერციული) იურიდიული პირის ფილიალის რეგისტრაციისთვის მიმართეთ ბათუმის იუსტიციის სახლს. თან იქონიეთ შემდეგი დოკუმენტები:

1. განცხადება (ელექტრონული განცხადება ივსება ფრონტ ოფისის ოპერატორის მიერ);
2. თქვენი პირადობის დამადასტურებელი დოკუმენტის ასლი;
3. უცხო ქვეყნის საწარმოს ან არასამეწარმეო (არაკომერციული) იურიდიული პირის კანონმდებლობის შესაბამისად დამოწმებული/ლეგალიზებული სადამფუძნებლო დოკუმენტაცია/რეგისტრაციის დამადასტურებელი დოკუმენტი;
4. საქართველოს კანონმდებლობის შესაბამისად დამოწმებული, მონაცემები დამფუძნებელი საწარმოს ან არასამეწარმეო (არაკომერციული) იურიდიული პირის და მისი ხელმძღვანელის შესახებ;
5. უფლებამოსილი პირის გადაწყვეტილება ფილიალის დაარსების შესახებ;
6. საქართველოს კანონმდებლობის შესაბამისად დამოწმებული, სუბიექტის გადაწყვეტილება ფილიალის/წარმომადგენლობის ხელმძღვანელის დანიშვნის შესახებ ან მინდობილობა პირისათვის ხელმძღვანელობითი უფლებამოსილების მინიჭების შესახებ;
7. სარეგისტრაციო მომსახურების საფასურის გადახდის დამადასტურებელი დოკუმენტი (გადახდა შესაძლებელია ადგილზე);

იმ შემთხვევაში თუ თქვენ ხართ დაინტერესებული პირის წარმომადგენელი მაშინ დამატებით წარმოადგინეთ სათანადო წესით დამოწმებული წარმომადგენლობის დამადასტურებელი დოკუმენტი და თქვენი პირადობის დამადასტურებელი დოკუმენტის ასლი.

- ✓ იმ შემთხვევაში, თუ ფილიალი რეგისტრირდება მისამართზე, რომელიც არ წარმოადგენს დამფუძნებელი იურიდიული პირის/მისი დირექტორის ან ფილიალის წარმომადგენლობაზე უფლებამოსილი პირის საკუთრებას, დამატებით წარმოსადგინი იქნება აღნიშნულ მისამართზე არსებული უძრავი ნივთის მესაკუთრის თანხმობა ან სათანადო წესით შედგენილი და დამოწმებული ხელშეკრულება ამ ნივთით სარგებლობის შესახებ (იჯარის, ქირავნობის, თხოვებისა ან სხვა).
- ✓ სარეგისტრაციო დოკუმენტაციით სავალდებულოდ უნდა დგინდებოდეს ფილიალის წარმომადგენლად დასანიშნი პირის თანხმობა.

ბოქსის ინფორმაცია:

კონკრეტულ შემთხვევაში შეიძლება დამატებით მოთხოვნილ იქნეს ნებისმიერი დოკუმენტი ან ინფორმაცია, რაც აუცილებელია გადაწყვეტილების მისაღებად.

ვადა და საფასური:

მომსახურების ვადა	მომსახურების ტარიფი
-------------------	---------------------

1 სამუშაო დღეში	100 ლარი
იმავე დღეს	200 ლარი

ვადის ათვლა იწყება განცხადების რეგისტრაციის მომდევნო დღეს და სრულდება ვადის ბოლო დღის გასვლასთან ერთად. თუ ვადის ბოლო დღე ემთხვევა უქმე ან დასვენების დღეს, მაშინ ვადის ბოლო დღეს წარმოადგენს მომდევნო სამუშაო დღე.